

漢魏六朝百三家集

第九十一冊

北齊

邢特進
魏特進

新平

知學

PDG

邢特進集題詞

濟陰溫鵬舉鉅鹿魏伯起河間邢子
才爲北朝文人稱首楊遵彥文德論
云古今詞人皆負才遺行唯邢子才
王元景溫子昇彬彬有德素然則溫
邢在當日兼以行顯非伯起驚蛺蝶

比也子才讀書五行俱下獨不喜讎

校曰天下書至死讀不可徧焉能始

復校此言頗疎率而後世才士間宗

其說余度隋唐以來至今日書籍多

子才時更數倍苟欲徧識塗必出此

所謂漢高取天下得意者關中耳置

學一奏事關典教餘文無絕殊者漢
賈生公孫臣等言正朔服色事君相
莫能遵用太史公三致慨焉以元魏
靈后之時子才欲伸其志予竊難之
異同交安賢愚並接抱此天資與物
無忤然在坐作表袁翻怒爲小兒言

論相輕崔暹奪其帝聽甚哉入世之
不易也

婁東張溥題

吳郡吳郡太守公三子廷璠廷璠廷璠
買由公海內名士王世貞
學一奏事四州外領文無
不

邢特進集目錄

賦

新宮賦

詔

爲齊文宣受禪赦詔

表

百官賀平石頭表

賀老人星表

爲文襄讓尚書令表

又

爲李衛軍以國子祭酒讓東平王表

爲彭城王韶讓侍中表

爲潘司徒樂讓表

爲司空景讓表

奏

請置學及修立明堂奏

書

答袁肇修書

遺辛術書

序

蕭仁祖集序

議

皇太子東面議

宮吏之姓與太子同名議

改葬服議

訊囚請占議

頌

甘露頌七首

銘

文襄金像銘

獻武皇帝寺銘

碑

廣平王碑

冀州刺史封隆之碑

景明寺碑

并州寺碑

謚議

文宣帝謚議

哀策文

文宣帝哀策文

墓誌

太尉韓公墓誌

李禮之墓誌

樂府

思公子

詩

三日華林園公宴

冬夜酬魏少傅直史館

冬日傷志篇

七夕

齊韋道遜晚春宴

應詔甘露詩

賀老人星詩

附錄

本傳

邢特進集目錄終

邢特進集卷全

齊河間邢邵子才著

明太倉張溥天如閱

賦

新宮賦

擬二儀而構路寢、法三山而起翼室、何大厦之
眈眈、而斯千之秩秩、豈西京之足偉、故東都之
所匹、爾其狀也、則環譎屈奇、瀾漫陸離、嵯峨崔
嵬、巉巖參差、若密雲之乍舉、似鵬翼之中垂、布

菱華之與蓮蒂、咸反植而倒施、若承露而將轉、
似含風而欲披、土成黼黻、木化蛟螭、布紅紫之
融洩、間朱黃之赫曦、獸狂顧而猶動、鳥將騫而
以疲、木神水怪、海若山祇、千變萬化、殊形異宐、
陰梁北注、陽鳥南施、百楹列倚、千櫨代支、或據
險而形固、或居安而勢危、

詔

爲齊文宣受禪赦詔

無德而稱、代刑以禮、不言而信、先春後秋、故知
惻隱之化、天人一揆、弘宥之道、古今同風、朕以
寡薄、功烈無紀、昔先獻武王、值魏世不造、四海
幅裂、九鼎行出、祭器無歸、乃驅御侯伯、大號燕
趙、拯厥顛墜、俾亾則存、文襄王外挺武功、內資
明德、纂成先業、闢土服遠、年逾二紀、世歷兩都、
獄訟有適、謳歌斯在、魏帝俯遵歷數、念在褰裳、

遠取唐虞終同脫屣實幽憂未已志在陽城而
羣公卿士誠守逾切遂屬代終居於民上如涉
深冰有睠終朝始發晉陽九尾呈祥升壇告天
赤雀效祉惟爾文武不二之臣股肱爪牙之將
左右先王光隆大業永言誠烈其茲休慶然三
皇存教非易可免七名改咒庸可庶幾思其億
兆同始茲日其大赦天下

表奏

百官賀平石頭表

大江設隘、實限夷華、前魏觀濤而退、後魏登山、而反聲教不通、多厯年代、今蒼雉奉職、靈鼉自梁、折葦爲舟、憑力可渡、始知德通於物、孟門失險、道清將順、劒閣自開、行舉洞庭之樂、放畜長洲之苑、會玉帛於塗山、樹銅柱於南極、

賀老人星表

冥貺未已、靈應猶臻、以某夜老人星見達旦揚